

*Ljubljana
Pogled
na stari grad
Vue sur l'an-
cien chateau
Blick auf die
alte Burg*



Foto L. Šmuc

roš. Za Rimljanima dođoše Langobardi, a 452. g. hunski kralj Atila poruši Aemonu do temelja. Poslije Langobarda naseliše se na tome mjestu Slovenci (u drugoj polovici VI vijeka) i odoše tu sve do danas. Osnovaše novi grad i dodoše mu slavensko ime Ljubljana. Ljubljana je tokom vremena mijenjala gospodare. Njome je u VII vijeku vladao slovenski kralj Samo, a zatim Franci. Naročito je Ljubljana procvala pod upravom kranjskih vojvoda. God 1270 zavladao je njome češki kralj Otakar, ali je naskoro oteše Habzburgovci (1282) koji su preko svojih činovnika i plemstva nastojali svim silama da ponijemče ove krajeve. U XIV vijeku opasana je bedemima protiv turskih najezda, od kojih je Ljubljana mnogo stradala. U XVI vijeku radio je u Ljubljani reformator Primož Trubar, slovenački Martin Luther, otac slovenačke knjige. Tada se pojavljuje prvi slovenački prijevod Biblije iz njegovih pera, ali su slovenački propovjednici ubrzo bili prognani od isusovačke protureformacije i njihove su Biblije bile spaljene.

Historijske znamenitosti Ljubljane potječu tek iz doba francuske okupacije (1797, 1805 i 1806 g.). 1 aprila 1797 g. ušao je Napoleon Bonaparte u Ljubljanu, u pratnji maršala Bernadottea, tadašnjega guvernera Ilirije. Ljubljana postaje glavnim gradom Ilirije i igra važnu ulogu sve do 1813 g. U to doba pada i početak duševnoga i nacionalnoga preporoda Slovenaca. Pojavljuju se pjesnici: Valentin Vodnik i Franc Prešeren. Po odlasku Francuza nastaju za Ljubljanu burni dani. 1821 zasjeda u Ljubljani kongres evropskih vladara (Ljubljanski kongres), a odatle i današnje ime ljubljanskom Kongresnom Trgu. God. 1895. stradala je Ljubljana od velikoga potresa, ali se poslije toga podigla nova, obnovljena Ljubljana u modernom slogu i po zahtjevima ondašnje savremene urbanistike. Otada Ljubljana neprestano napreduje. Trgovina, industrija i zanati razvijaju